

Na osnovu člana 22 Statuta Brčko distrikta BiH («Službeni glasnik Brčko distrikta BiH», broj: 3/07), člana 14 Zakona o javnoj imovini u Brčko distriktu BiH («Službeni glasnik Brčko distrikta BiH», broj: 28/06), člana 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH», broj: 11/03) i Prijedloga odluke gradonačelnika broj: 01-014-009662/07 od 22. 5. 2007. godine, Skupština Brčko distrikta BiH na 50. sjednici održanoj 14. juna 2007. godine, donosi

ODLUKU

O RASPOLAGANJU IMOVINOM DISTRIKTA KROZ SPECIJALNU POGODBU NEKRETNINA KOJE SE NALAZE U «BESCARINSKOJ ZONI» U BRČKOM

Član 1

Utvrđuje se da je od javnog interesa za Brčko distrikt BiH raspolaganje imovinom Distrikta kroz specijalnu pogodbu, kojom se na zemljištu koje se nalazi u «Bescarinskoj zoni» u Brčkom, označenom kao:

- k. č. br. 943/4, ekonomsko dvorište površine 1009 m², na kojem se nalazi privredna zgrada površine 949 m², upisano u zk. uložak broj 180, privremenog registra za k. o. Brčko 2, s upisanim pravom vlasništva na nekretninama u «A» listu u korist Brčko distrikta BiH s dijelom 1/1, bez tereta u C listu,

prodaje pravo građenja i prenosi pravo vlasništva na objektu preduzeću d. o. o. «Prohema» Brčko, radi obavljanja proizvodne djelatnosti.

Član 2

Ugovorom o kupoprodaji nekretnina iz člana 1 ove odluke između Brčko distrikta BiH, kao prodavača, i d. o. o. «Prohema» Brčko, kao kupca, izvršit će se prodaja prava građenja na zemljištu uz naknadu od 20,00 KM za 1 m².

Kupoprodajna cijena za pravo građenja na zemljištu iz člana 1 ove odluke utvrđena je u skladu s procjenom Direkcije za finansije – Porezne uprave Brčko distrikta BiH sadržanom u Aktu broj: 04/3-413-597/07 od 22. 5. 2007. godine.

Prijenos prava vlasništva na poslovnom objektu koji se nalazi na zemljištu iz člana 1 ove odluke vrši se bez naknade.

Član 3

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj:0-02-022-68/07

Brčko, 14. juna 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.